

DEO OPTIMO MAXIMO VNI ET TRINO, VIRGINI DEIPARÆ,
ET SANCTO LVCÆ ORTHODOXORVM MEDICORVM PATRONO.

Q V Æ S T I O M E D I C A.

QVOD LIBETARIIS DISPUTATIONIBVS MANE DISCVTIENDA
IN SCHOLIS MEDICORVM, DIE IOVIS XXIII. NOVEMBRIS,

M. FRANCISCO DES FRANCOIS, Doctore Medico, Moderatore.

An Elephantiasis Eunuchismus.

947

QVI putat in homine nihil esse celeste, homo non est; nec philosophus, qui fabricam ejus non asserit miraculum; neque medicus, qui in morbis quid abditum & cecum non admittit, nisi cecus ipse sit. Enim verò tam recondita plerumque est morborum origo, ut erret qui accusat elementa; & injuriosus sit qui qualitates insinuat cum sint *ἀναισθητοι* multa sacris tegit involucris natura, quæ temperatos latent, illudunt curiosis, omnibus sunt imperia dum omnium exercent ingenia. Ratio enim deficit, si nimium rationi tribuas, obscuratur si illustres, & vana philologia fit curiosior philosophia. Quis enim adeo perspicax ut quæ sunt in nobis, vel quæ foris accedunt venena comprehendat, quorum quedam tam graviter afficiunt, ut si molem spectes, corpora; si vires, spiritus jure dixeris. Scortene, ut sensus fugiat; tam grande, ut capi non possit. Quædam vero ignavius agunt, ut tutius eceant, latent diu, ut diutius exerceant, pacem simulant ut bellum inducant; id docet rabies, testatur syphilis, confirmat Elephantiasis, quæ re magis quam nomine horrenda clam impetit, subdolè repit, mentitur habitum, mores dissimulat, tantoque interdum quiescit intervallo, ut quæ vix inceptit putes desisse, siætaque per annos *ἐνυπνίου* certum fiat malignitatis argumentum.

ELEPHANTEM nescit qui non stupet, coecutit, qui non miratur; allucinatur, qui bilem atram non agrosit autorem: quæ tamen sola vix tanto monstro excitando sufficit. Diuini quid obrepat necesse est, ejus si quid assument humores reliqui, iste sanè plurimum. Caue tamen ne nimium oculis confidas; Atræ bilis comes est malignitas, non parens, quam calida gignit & sicca intemperies, lepræ gignendæ non idonea nisi potens & tam longè, larèque fusa ut non modo æquè inficit, Hepar tam malè habet, ut reliquis persequentibus injuriam illud ruinam experiatur. Quid enim virium superest in Hepate Elephantici? sanguinem non reponit, sed virus; iniquus sanè pater qui alendæ non tam incumbit familiæ quam destruendæ. Desine principem appellare si tyrannus sit, fontem nega humoris gratiosi, si nihil nisi ingratum & nociturum refundat; terram frugiferam ne dixeris si toxicum tantum pariat; neque spiritus naturalis officinam, si nullum curat nisi inquinatum. Tantum maleficium priuatum qui putat, fallitur, publicum facit Hepar dum polluit *διολομελιν*, erumpit quidem tacitè virus, sed serpere non definit dum quam impugnat naturam diruat; vni humori non infixum sed pluribus; bilis parit Elephantem, sed grauiorem; exultus humor melancolicus atrocem, pituita quia mitior, mitiorem; dum atræ bilis naturam, aut amulatur, aut induit: tuncque venenum vel assumit vel concipit.

LEPROSI spiritum non ducunt, sed trahunt; non suo, sed arbitrio morbi; non ut viuant sed ut paulatim moriantur: quis enim dicat eum viuere qui vitam exosam habet: quem si viuere vel sinas, vel cogas, durum impones onus: non enim viuet diu, nisi ut moriatur diutius; & pestiferum in visceribus virus foueat. Placet hujuscemodi naturæ portentum repræsentare? foris puridum olet, quia sordet intus; corporis habitus deturpatur, quia in intimo nihil non inquinatum; rubet facies, albicat, liuescit, cutis exaratur, feruet impetigine, quæ scalpendo numquam sedetur; æstuat libidine, quæ nullo pacto expleri queat; fœcet anima, color floridus euanesceat, frons crassescit & demittitur, tabescunt muscoli, aures extenuantur, torpescit sensus, supercilia prominent, & glabra fiunt; pili vbiq; decidunt, vox raucescit, linguæ moles exuberat, labra prominent & inuertuntur, nares sinæ fiunt & salebrose, caligant oculi, & contorquentur, dehiscunt digiti, vngues finduntur, varices fiunt & *ἐξορροήσιν*, verrucæ succrescunt & tubercula, totum corpus fecdis scatet vlcenibus, horrenda mentem percellunt insomnia, quæ cum futura prænunciant, quid ni & præsentia significant?

IMMANEM belluam quis audeat aggredi? aut quis aggressus speret euincere? non blanditur si cedas, nec cedit si blandiaris; exasperatur, si irrites, neque placatur, si quiescas: obscuro si Marte pugnes, aperto dimicabit; in his angustiis naturam consule non est illa sui juris; artem si quæras, iners est, an & crudelis, quæ videt miseros, neque solatur? morbumne refugit, quia veretur? num temeraria si morbum tenter? & malis auibus, generosa ne jactitet præsidia, si ferme irrita sint. Venæ sectio morbum minuit, sed non soluit; hunc impugnat, non expugnat; neque vincit purgatio: nam si sit vehemens, exacerbat; si sit blanda irridetur; balneo mitescit, non edomatur; sero mansuescit, non debellatur; *πῶς μοχλῶναι καὶ ἰσχυροῦσι* vtere, viperas adhibe, virus obrundes, sed non tolles; mitigabis, non euellēs. Contumax sanè morbus, qui, quamvis calidus non cedit frigidis, nec humectantibus quantumvis siccus: qui semper durior non emollitur; qui vinci nescius nescit ignoscere, vbiq; efferus, indomitus, implacabilis, siue ex parentum semine, vel contagione, vel proprio vitio prognatus & propagatus.

ELEPHANTEM vis euincere? festina, sed lentè; demulce, non irrita; causas dissiuere conuenit, non perumpere aut discindere; multas machinas ad mouere noli, vnus Eunuchismus sufficit, qui non vnus remedij locum tenet, sed omnium compendium est. Durum sanè præsidij genus, quod indiuiduum tuetur, & speciem deret; momenta vitæ pollicetur, æternitatem eripit: optabile tamen, si sanguinis prurientis molestia carere voles: eo quippe totus corporis immutatur habitus, & virilis esse definit; calida refrigerantur, sicca humectantur, ferudi humores temperantur, acres demulcentur, maligni mitigantur, castigantur efferi, ferocientes reprimuntur, & retunduntur; hircinum omne remouetur, & mira toti corpori conciliatur suauitas, sic ab vna euratione tot commoda, quæ præterea veneris compescit furias, extinguit æstus & incendia, nitrosa remouet, quam varix testium soluit, facit *Ἱστροπῶν*, saginat, emollit, arcet varices, maniam, melancoliam, epilepsiam, caluitium, podagram, inhibet atram bilem & Hepatis sic emendat & castigat intemperiem, ut nullum deinceps virus reponat, sed conuenienti succo partes recreat, foueat, & sustentet.

Ergo Elephantiasis Eunuchismus.

Proponebat Lutetiæ IOANNES MAVRINVS, Annotensis, A. R. S. H. M. DC. XLV.

DOMINI DOCTORES DISPUTATVRI.

M. Petrus le Conte.
M. Mathurin Alton.
M. Franciscus Blondel.

M. Lancelotus de Frades.
M. Iacobus Mantel.
M. Nicolaus Mathieu.

M. Antonius Charpentier.
M. Franciscus Pijart.
M. Ioannes de Bourges.

